

雁山文集

卷三
四

雁山文集卷之三

鶴山吳應達鴻來著

香山鄭廷松夢生校字

贈光祿寺丞永平府推官羅公傳

崇正三年春正月甲申

大清兵自京師東行破永平推官羅成功死之公中萬歷癸卯鄉試謁選得永平推官時軍興孔棘糗糧叢雜不可究詰公綜核清理三輔倚以爲重秩滿遷興化府同知民詣闕請留許之

大兵至公方盤查在外聞之亟趨還率鄉兵城守攻戰甚力守將楊春與鄉官白養粹納款爲內應公獨力不

支城陷冠帶自縊於署是役也自右布政使鄭國昌而
下死事者凡十餘人事聞贈公光祿寺丞賜祭葬廕一
子入監先是公既卒家人竊其尸瘞之兵退知龍縣
鄧紹禹訪得其處易以棺寄諸南臺寺側永平民見者
輒流涕曰吾羅公也會鄧調任赴都因爲文申請兵部
其略曰本府前任推官羅某任滿考最陞福建興化府
同知緣永民感戴舊因借寇情切詔許留任適兵破永
平本官練兵爲固守之計教訓以效死之忠晝夜登陴
調度奮勇會叛臣迎降城隨失陷本官北向拜君南向
拜親就義從容自經而斃當時雖蒙題叙爲之旌揚而

雁山文集卷之三

鶴山吳應達鴻來著

香山鄭廷松夢生校字

贈光祿寺丞永平府推官羅公傳

崇正三年春正月甲申

大清兵自京師東行破永平推官羅成功死之公中萬歷癸卯鄉試謁選得永平推官時軍興孔棘糗糧叢雜不可究詰公綜核清理三輔倚以爲重秩滿遷興化府同知民詣闕請留許之

大兵至公方盤查在外聞之亟趨還率鄉兵城守攻戰甚力守將楊春與鄉官白養粹納款爲內應公獨力不

士致命遂志或其事湮沒不爲世所稱述或所見異詞
所聞異詞其事則是而其姓名則非者可勝道哉因論
公事不禁感慨係之云

謝里甫先生曰事固可傳節錄申請之文亦雅潔
張南山曰此特姓偶誤耳其人其事固已入之史
傳中矣元有朱倬者江西新城人至正二年進士
官遂安縣令寇至吏卒逃散倬死之倬著有詩疑
問七卷是固窮經之士而又死事之臣也而元史
不載然則可傳之人而史傳遺漏者豈少哉讀雁
山此文因識之

3
柩猶暴露永平城外職不忍使忠骨留滯異鄉竊欲因
便扶柩南還縱其妻子不得復面生容亦可憑棺泣奠
庶死者瞑目生者甘心矣於是舁公柩至都門權厝之
東郭後得歸葬焉公字唯一號瀛石高要縣人乾隆四
十年

欽恤勝國殉難諸臣公與諡節愍入祀忠義祠
吳應達曰公族孫德光於家君爲齊年至好其二子寅
恂與達復敦世誼寅特建公祠並修族譜屬達次公前
後事爲家傳按明史書公死事誤羅爲盧賴有籍貫可
據公去康熙間未及百年已不能無紀載之誤巖穴之

許遂字揚雲番禺人康熙丙子舉人謁選得清河令力
請上官蠲逋賦凡興作便民者輒爲之坐承追不力免
民愬大吏留之不能得也以鴻博徵至京格於部議
不得試歸至清河清河人聞遂至歡迎數十里遂賦詩
紀事留連久之然後去江南巡撫將以能治河薦會內
遷不果與同徵長洲沈文愨公最善序其真吾閣前後
集謂古詩規模漢京近體不肯落大歷元和以下取道
旣正復以雄麗浩衍之學濟之卓然成一家之言云
車騰芳字圖南一字蓼洲番禺人康熙庚子舉人督撫
交薦以親老辭縣令親爲勸駕乃遂巡就道至京後

七先生傳

雍正十一年

詔復開博學宏詞科

命內外大臣各舉所知以

聞於是刑部左侍郎楊超曾舉曹賓蘇珥廣東巡撫楊永斌舉許遂車騰芳鍾獅勞孝興將舉韓海海辭乾隆元年合內外所舉咸集京師

御試保和殿而粵東七人者或不就或後期或以故不得與試與試唯賓獅孝興三人皆放歸而七人之名因是益顯作七先生傳

而誦讀不輟是時嶺南盛風雅文壇詩社會者常數百人梁太史佩蘭執牛耳海以後進居末座佩蘭顧獨與海言詩成輒稱善年五十始舉雍正癸卯鄉試又十年乃成進士會舉鴻博督撫將以海名列薦牘海賦夏蓮詩云欲待移根歸太液須尋十丈藕如船蓋寓言也遂不復強同里車騰芳稱其性情介特不苟取予爲文浸淫史漢尤工駢體詩出入李杜旁及於西崑論者謂非阿好語著東臯詩文集

曹賓字萬爲保昌人幼稟庭訓讀孟子至仲子廉士章父詔之曰辟兄離母能廉豈廉鄉乃無母無兄之國哉

期卽告養歸騰芳少失恃事父至孝雖出授徒間日必
歸省四方從學者甚衆莊殿撰有恭兄弟皆其門下士
也性狷介新會何霽以詩交騰芳築室南門外值千金
及歸江門以宅券授騰芳騰芳不受曰芳苟無宅受之
不爲傷廉今既有宅復受君宅於君不傷惠乎後出爲
海豐教諭督學吳公鴻雅重之從容問兒孫應試者幾
人騰芳以失學對吳益嘆異賦詩有眼青敢謂因吾輩
頭白何期識此翁之語其爲名流心折如此著螢照閣
詩文集十六卷

韓海字橋村番禺人居郡城之東繩扉兩板僅蔽風雨

10
名流數十輩時相過從集先後題詠詩數百篇合梓之
曰獻玉堂雅集詩獅歸日棲息舊廬重興壇坫越三十
年乃卒

勞孝與以字行一字阮齋南海人神峯儻朗受知於督
學惠公士奇名日起就試鴻博未用以拔貢生廷試第
五人得爲黔中令是時苗亂初靖民未安居孝與初至
卽奉檄委治古州屯務有效歷錦屏清鎮龍泉清溪畢
節諸邑龍泉人思之建勞公書院畢節故有鑄局蒞任
者率滿載去孝與則兩袖清風如故也最後調鎮遠卒
於官著春秋詩話阮齋詩文集

自怵然誌之既爲諸生督學惠公士奇延入幕命分校士並授以經學遂大進雍正癸卯鄉試與謝仲坑俱擬解元不得抑置副車薦試鴻博放歸教授及門從遊者甚衆著四書詳說行於世自言所學得讀陸清獻公之書而益進擇焉欲其精語焉欲其詳主之以集註者十年暢之以諸儒者十年貫之以經傳者又十年乃返之己心驗之人事而後成書云

鍾獅字作韶番禺人雍正壬子舉人薦試鴻博不遇丁巳成進士授靈壽知縣旋乞病歸父瓚別字蘿山爲諸生有名所居曰獻玉堂周遭植緋桃花時灼灼出牆外

雁山文集卷三

得之

蘇珥字瑞一順德人乾隆戊午舉人與孝興同爲惠督學所知所謂惠門八君子者也而兩人者尤相得性簡易不慕浮名詩文皆不苟作旣脫稿亦不自珍惜工書法求其詩文而並得其書者稱爲二絕會大吏以鴻博薦孝興謂珥曰我輩毋墮處士虛聲盍偕往珥曰吾母年八十顧違膝下馳驅萬里不畏碧玉老人見哂乎遂不與試

黃香石曰起總挈莊重通體簡淨有姿制
張南山曰叙諸人以博學宏詞薦而以蘇瑞一親老不赴試作結有歸重實行之意妙使人於言外

盜恩宜慮賊黨且衆卽縛諸官而胥吏上下其手事終不可知遂慷慨拔刀而前曰吾得手乃父仇於願已畢刀鋸鼎鑊我自當之無累諸父老也於是割其首刳其心哭而奠諸父蓋距從心歿時僅十餘日耳甲家以誣殺告恩宜訴於官不得直幽繫獄中康熙十年廉使某甫下車檢其牘曰葉恩宜爲父報仇律擅殺凶人者杖其情可原卽釋之恩宜在獄每逢忌日輒痛哭後終其身不衰云乾隆元年

詔錫耆民冠帶恩宜以年八十賜修職郎

吳應達曰傷哉恩宜所以擒賊者甚智而卒以孝子之

13
葉孝子傳

孝子名恩宜鶴山人父從心家素饒每歲正月十九日里中賽神張燈鼓吹喧闐達旦是夜罄室往觀獨從心守焉有賊踰垣入從心覺而號則刼而束之實其口以絮盡攫財物去比家人歸則氣絕矣當是時恩宜年十六偵知爲某甲日夜懷利及伺甲所出入卒不可得一夕大風雨寒甚甲負所竊物纍纍冒雨出恩宜攝其後挺擊之甲仆折其足若有人助其擊者竟縛以歸初甲之來也葉氏不肖者實招之至是奔告父老父老皆囁嚅曰唯孺子命而是時梁經玉李山官七等方盤踞爲

雁山文集卷三

八